



**JUDICIAL SYSTEM MONITORING PROGRAMME**  
**PROGRAMA DE MONITORIZAÇÃO DO SISTEMA JUDICIAL**

***Komunikadu Imprensa***  
***Tribunál Distritál Suai***  
***17 Dezembru 2014***

**Tribunál Distritál Suai adia julgamentu ba kazu 24 durante fulan Dezembru  
tanba kestaun transporte no la prenxe tribunál koleтиву**

Iha 03-12 Dezembru 2014, tuir agenda, Tribunál Distritál Suai sei prosesa kazu hamutuk 24. Maske nune'e, hosi kazu 24 ne'e iha kazu 18 mak tribunál la bele hala'o julgamentu tanba tribunál la konsege notifika arguidu, vítima no testemuña sira tanba kestaun transporte. Aleinde ne'e iha kazu 5 seluk tribunál la konsege prenxe juis koleтиву.

“Transporte hanesan meius ne'ebé importante teb-tebes atu kontribui ba servisu autór judisiáriu sira no sira nia produtividade. Liu-liu ajuda tribunál sira halo notifikasaun ba parte sira ne'ebé hakarak hetan justisa,” dehan Diretór Ezekutivu JSMP, Luis de Oliveira Sampaio.

Kazu sira ne'ebé tribunál falla atu notifika no julga involve krime ofensa ba integridade fízika simples 10, ofensa ba integridade fízika simples ho natureza violénsia doméstika 5, ofensa ba integridade fízika grave 1, kondusaun sem karta 1 no danu simples 1.

Enkuantu kazu ne'ebé la prenxe juis koleтиву hamutuk kazu 6 no involve krime tentativa omisídiu 1, omisídiu simples 1, abuzu seksuál ba menoridade 2, krime inséndiu 1 no violasaun seksuál 1.

JSMP senti preokupa tebes ho situasaun ne'e tanba kazu hirak ne'e involve mós krime violasaun seksuál, abuzu seksuál ba menoridade, no violasaun seksuál.

Normalmente kazu sira ne'ebé adia ho tempu naruk bele halo mihis konfiansa parte sira no potensialmente bele prejudika faktu sira ne'ebé bele sai hanesan evidensia ba tribunál atu deside kazu sira hodi kondena autór sira tuir gravidade kazu ne'ebé sira komete.

JSMP rekomenda ba estadu atu koloka orsamentu sufsiente ba tribunál liu-liu orsamentu hodi aumenta fornesimentu kareta operasionál iha kada tribunál sira atu evita situasaun hanesan akontese iha futuru.

**Atu hetan informasaun kompleitu, favor kontaktu:**

Luis de Oliveira Sampaio

Diretór Ezekutivu JSMP

Diresaun e-mail: [luis@jsmp.minihub.org](mailto:luis@jsmp.minihub.org)

[info@jsmp.minihub.org](mailto:info@jsmp.minihub.org)

Telefone: 3323883 | 77295795

Website: [www.jsmp.tl](http://www.jsmp.tl)

Face book: [www.facebook.com/timorleste.jsmp](http://www.facebook.com/timorleste.jsmp)

Twitter: @JSMPTl